

教育雜誌 直隸學務處編輯現已出至十二期官書局孟晉同文各書坊均行代售
每冊二角全年二十冊共價大洋三元二角

宮門抄

十月三十日 外務部 欽天監 侍衛處值日 提督衙門引 見四十名武備院四名 莊王假滿請 安溥良謝維和宮事務 恩 王中堂因伊子署缺謝 恩 王國楨謝署太常寺卿 恩 河南知府羅維垣謝 恩 福建總兵孫道仁謝 恩 侍衛處奏派查驗箭枝 派出阿王洵貝勒 召見軍機 羅維垣 孫道仁 提督衙門奏左翼翼尉烏珍等拿獲偷盜磁器庫磁器賊 犯李德兒等六名請 交刑部

十一月初一日京電本日 召見軍機 徐會澤 無閣抄

諭旨

十月三十日奉 旨光祿寺典簿員缺著鍾鍾補授欽此

電報

西十一月二十四號東京來電
▲日本文部參議員赴英演說 日本文部參議員雅納塞瓦(譯音)君將於明年西二月請假六個月赴倫敦大學校演說日本之科學

▲日皇親臨武備學校 日本武備學校現有卒業生九百二十名日皇擬親臨該校舉行卒業典禮

西十一月二十五號東京來電
▲日本募集國內國債 日本政府擬在國內募集國債五萬萬元今日已發售債票以四釐行息九釐收入八二扣淨以二十五年為期自售票之日起十五年後歸本

西十一月二十六號柏林來電
▲德皇擬遊歷西京 德皇威廉擬於明年西四月間至西班牙京城遊歷

▲德員在日費用之統計 德國政府現統計德員在日兩國所用各款如左
一 德國文武員弁等在中國北戴河地方避暑共費一萬六千三百馬克
一 擴充北京公使館共費一萬六千五百馬克
一 駐紮北海領事共費五萬六千四百馬克
一 駐紮濟南領事共費九萬馬克
一 駐紮日本橫濱總領事共費十萬一千馬克

▲德國稅項之增加 德國政府核計於皮酒呂宋烟火車票河路運費并遺產稅等項內每年可增出二百三十兆馬克

西十一月二十六號倫敦來電
▲俄國內亂黨誌 現在俄國各省農民相率作亂其勢甚熾又有在司瓦徒普爾地方之水手與營兵同謀作亂海軍中將畢塞瓦克當解散時竟為亂黨所擊且有船廠工人聯合滋事

要聞

設立考察政治館之原因

前有某大臣提議設立考察政治館因某邸之意欲俟五大臣回國後再行設立其議遂寢近日復有某大臣倡議以五大臣既已奉 命前往各國考察政治則此館必須 首先設

立以樹風聲而新耳目某邸頗然其說旋即面奏 兩宮特詔設館以學衆望(陰)

王公子弟出洋游學之先聲

探聞 兩宮面諭慶邸以貴胄學堂既已設立亟宜選派近支王公子弟送入日本陸軍學堂肄業以收自強之效聞慶邸擬選派二十一人 前往俟畢業回國後畀以軍事之任將於明春實行選派云(今)

五大臣出京日期再誌

聞五大臣定於初九日乘 午車 出京屆時由警部及鐵路大臣派人護衛送行者無論何人非有執照不能擅入車廠其執照即由五大臣發給(陰)

探聞五大臣準於初三四五等日分起出京在上海會集其隨員繙譯等現已次第首途(迎)

按五大臣定於初六日出京會紀昨報以上二則係據兩訪友來函所云未知孰是姑并存之以符有聞必錄之例

湖北各軍大操消息

聞鄂督張官保以所練各軍成效漸著擬即仿照北洋辦法於明年秋季 舉行 特別大操 已飭張總鎮彭加意訓練以資簡閱(歐)

再誌肅親王管理藩院之原因

前奉 上諭特派肅親王管理理藩院事務本報已誌其原因茲得政府消息上月二十八日軍機處交片 欽派肅親王善耆前往蒙古各部查辦事件另有 旨一道內開現在朝廷動輒調治各省均已舉行新政所有內外蒙古各部地方內政邊防在在均關緊要自應切實整頓着派肅親王善耆前往督同各該藩藩台吉察看情形妥為布置隨時奏請施行知有交涉一切事件即着該親王詳細查辦與部臣妥商辦法以固邊圉而維大局等因說者謂 朝旨實因前據蒙古各辦事大臣屢次奏報某國有在各部私開礦產并蒙民售押土地與外人等情故特簡肅親王前往查辦并藉此整頓蒙古一切內政事宜(憲)

嚴拿盜賣蒙地之喇嘛

日前軍機處片交理藩院及工巡局順天府奉 上諭現據黑龍江署理將軍程德全奏查有蒙旗梅爾旺索克布顏超克三喇嘛等三人私將蒙旗地賣與外國人開掘礦產各得贓銀若干逃往來京等情即着工巡局順天府等衙門傳飭所屬一體嚴拿務將該犯三名拿獲究辦等因(憲)

本埠新聞

●車站紀事○京津鐵路原係雙軌自庚子亂後改為單軌刻下因行車過多時有錯誤鐘點之事遂仍照原議添車站二處以備來往火車避讓之地一設在楊村舊站中張莊一設在耶坊安定中萬莊已由工程司派工興造矣

△新車站南首起造鐵路五間預備以新洋橋鈔關分局遷移入內稽查火車往來貨物刻下正在興工

△有竊犯王堂張鳳山二名並驢三頭在東鄉被獲於三十日押解來津交營務處審辦

△出使美國大臣參贊黃京卿開甲由美國乘輪返國於三十日到塘沽隨乘包車晉京

△日本神尾少將同海軍大尉武官數員於三十日開往榆關

△江西某學堂學生八十六名並同教習郝君二君由江西乘輪於三十日到塘沽隨乘火車赴保定學堂考試

●巡警總局示○為出示嚴禁事現據探訪隊稟稱訪聞有無知之徒捏造謠言謂某錢舖因虧空自盡其錢舖不久荒閉以訛傳訛好事之徒紛紛傳述本局細加查訪全係無稽之談實於商務大有妨礙除分飭各局區隨時認真查察外合亟出示嚴禁嗣後如有捏造謠言互相傳述者定行拘傳逐一根究務得起首造謠之人從嚴懲辦以安商業各宜凜遵特示

●請飭移居○西關順泰街某小煙館內有哪哪人師卓連路賴夫帶同華人藍姓一名租屋居住并携有小手鎗子彈等件為該管警局查明誠恐附近居民驚疑致生事故特於日前稟明總局函致哪哪國領事官飭令從速移居租界以符約章

●定期演說○考工廠定於初三日演說工商要理是晚由七點半鐘起至十一點鐘止仍在東門外天齊廟宣講所內講演

●學堂招考○與界鹽關廳平日學堂尚須招考續班學生三四十人有志向學者准於月內同保人到堂報名並將所讀何書註明以便定期考驗

●魚葦開徵○津武漁課課向歸分府徵收今年除被災各村不計外其餘成熟各村仍應照舊徵納昨已由分府擇定開徵日期飭差下鄉催令作速清完矣

●橋梁撞折○昨日東浮橋第五段橋梁為汽燈公司裝運器具之小火輪撞折並將停泊西岸之鹽船後槍撞壞刻下東浮橋已斷絕行人尚不知如何了結

●禁演淫戲○昨有李小笙者赴興署以演唱淫戲風化攸關稟請禁止當由興官批准知照各戲園取具不再演唱淫戲切結以勵風俗而正人心

●追繳學費○本埠羊肉行各經紀有例應繳充學堂經費之款現均延宕未交昨由縣尊查明特派差將各經紀傳案勒追以重學費

●修葺廟宇○大直沽環經村自兵燹後所有天后宮屋宇多半頹荒前村副王家禮特約同地方張夢九李駝等按戶捐資重加修理雕樑畫棟煥然一新已於本月內落成昨王等特知會合鄉居民訂期在廟公同致祭以述神庥

●來函照登○逕啟者頃閱貴報館本日報章車站紀事內登費養傷云云本署領事於二十九日未赴火車站亦並未出門

合行函達即希更正為荷此頌日祉 駐津德國領事官文碩敬啟(華十一月初一日)

北京新聞

●商部批示○據稟該號遺失票據一節已據情行金銀號商會董事等切實查復去後茲據覆稱查明被竊情節相符至舖保與昌永銀號素悉其殷實可靠又赴該號查詢據稱深悉確情願與為保各等情並取具圖結前來自應准予存案並照章發給論單交該號收執合行批示仰即迅速來部具領可也此批 右批道勝金店知悉

●裕中堂無郵典之原因○裕中堂於前月二十六日逝世已紀各報惟近日多有以無郵典為疑者茲訪悉原因實以萬壽月內例不得代遞遺摺須俟本月初二日方能入奏云

●那桐接有升補大學士消息○裕中堂逝世所遺東閣大學士一缺有以那桐接升補之說兼管禮部等一切差務亦擬以那桐接辦云

●再誌刑部逃犯事○刑部逃犯已紀本報茲經詳細訪明上月二十七夜一點鐘時分北監要犯王祥蘇萬和董大椿方大莊張三沈三等六人私將鐵鎗扭斷意欲脫逃幸警覺攔截奈乘其不敵半為該犯等打傷於是獄卒及同監之犯驚喊之聲達於監外適值提牢官桂君步至巡捕房聞聲往察復恐情形當即飛傳護獄左右翼總兵及巡捕等開槍示敵復恐其有勾結之外匪更派巡兵及防兵等圍繞監獄及檢巡街道時本部各堂官暨左右翼總兵翼尉等均已陸續齊到當時將該犯等全行拿住并未逃脫一人仍由獄卒以木狗咬禁惟忙亂之際巡兵等開槍誤將翼兵恩壽左腿擊傷禁卒之被逃犯打傷者亦有六七人之多其間最重者已將膊肘打斷迨亂事平靖時已鐘鳴六下矣

●開辦義賑學堂○禮部候補郎中占熬等議創設義賑學堂一所以學代賑用意甚善已稟請學務處批准開占郎等意在先招貧寒子弟八十名作為試辦刻下已覓妥房舍約月初即可開學矣

●平日學堂之特色○順天中學堂學生某君慨教育之未能普及特商諸同人組織半日學堂一所專收貧寒子弟其教員由諸同人分擔義務而入學肄業者甚形踴躍現已有六十餘人之多開校不及兩月學生程度甚高皆有文明氣象惟經費由同人分任究屬有限現擬募集巨資以期再加擴充

●甄別附課生紀期○國子監奏准將南學改為高等學堂為將來入大學之預科已紀前報現聞已定於十一月初一日甄別附課生以定去留

本省新聞

●學堂開課○保定南城泰山行宮廟內之民立小學堂招考學生業經足額諸生昨已入堂照章受課

●官事紀要○武強縣知縣楊大令鴻儀正定縣知縣孟大令廣瀚均因公來省稟見各憲

△指分直隸候補州同胡州司馬念祖於二十九日到省赴藩署稟見呈遞履歷現寓福慶堂客棧

●紀銀價○二十九日保定銀價大盤每兩二千九百二十文銀圓每圓易銅圓九十枚

今者科舉已停後學童皆須入小學堂以造就成才而中年以往之生童文學既已略涉藩籬自當研究新學之旨以爲小學師範之資本局爲扶助教育界起見茲擬編纂小學各科教科書及教育科學等書以爲小學堂師生之所取資頃已延聘通儒分任編纂茲已編成師範必需教育學一書以備小學教習之用初等小學中國地理教科書一書以備初等小學諸生之用現已出版初等小學中國歷史教科書高等小學中國地理教科書小學校管理法小學各科教授法附改良論現已編成付印即日出版凡學堂諸君惠顧者如躉購足五十部者可移玉本局面議折扣 北京琉璃廠西門外迤北香爐營一條胡同西口華新書局廣告師範必需教育學每部大洋六角 初等小學中國地理教科書每部大洋一角五分

各省新聞

政務

◎示委分兼辦泉案務 正任浙藩翁筱山方伯於月前被劾開缺因有經手創辦之銅元分局籌墊款項及欠某洋行機器銅本銀兩應清理故由署撫憲瑞寶臣留守電奏奉旨留守於前月二十三日懸牌札委原案案之繼道顧小夏觀察鍾麟改兼辦案案則委杭關道崔磐石觀察承辦安署聞已擇吉二十六日互相受事後浙藩翁方伯蒞杭時再行移交以專責成 (杭州)

◎總辦易員 警察總局總辦向係黃太守伯雨承充刻因首府事務殷繁未能常川駐局現由督憲札委前任夏口廳馮少竹司馬為總辦至黃太守則改為兼管云 (湖北)

◎警官學堂續招新班 警官學堂自五月開辦後其甲班學生現在將近畢業已經續招新班職官生監仍照章一律准其與考惟報名以本月十四日截止 (長沙)

學務

◎日本東斌學堂致楊總帥書 敬啟者近來貴國學生負笈至敝國肄業者日多無任為貴國慶賀隣邦之友誼益以加厚保持永遠之和平殆莫若若敝學堂開始之旨亦實本此意以宏貴國留學諸子之教育前貴國公使與敝國官憲協謀設立此學堂今復鑒時局大勢將從前之計畫未周者大加整頓修政課程精選教師深遠之學理切實而明解之俾學生於普通學軍事學速為研究以期造就之實效至於監督學生之方法別設宿舍便於講習監督者則於諸生同臥起得以隨時策勵無誤通才以備將來之任用仰副貴國朝廷作育栽培之至意前敝學堂第一次已特別付梓報告所有章程贈呈賜覽實深榮幸之至 再本校章程於第一次付印後貴國學生如有長期修學之希望者敝學堂必當有以滿足其希望也 (山東)

◎蠶桑學堂學生卒業 余觀察思治昨奉運帥委赴青州會考蠶桑學堂計自九月二十五日起分日考試二十九日考畢十月初三日發給畢業文憑茲將試題及學生姓名探悉詳列於下 試題 問蠶體解剖 問肥料學 問蠶體生理學 問桑樹栽培法 問蠶體病理學(附消毒法) 問桑樹病害 問用顯微鏡使用法 問土壤學 問養蠶法 問製絲法 (附殺蠶繭法) 卒業學生 (最優等五名) 沈乙山 祝延齡 鄭繼汝 夏毓蘭 王殿華 (優等二十三名) 卜昭敬 楊瑞雲 呂逢春 李萬增 王功臣 呂紹陽 盛清海 丁書彭 鄭汝坤 王枚臣 崔維祺 王茂吧 張毓梅 沈道岳 董殿甲 吳泮蘭 湯迦石 金壽 趙春暉 鄭華修 李有倫 章安基 劉治庭 (中等十三名) 蔣德修 沙增燦 丁壽椿 王鴻翔 田作霖 李隆基 毛彭臣 房崇書 王毓珊 劉錕 李聯芳 劉福堂 房星曜 (山東)

◎創設民立學堂 汴省紳士某君現集有的款創立勵志學堂額設三十名所有規模悉遵欽定章程期在袁公祠內招考汴省風氣雖開而民立學堂甚少故上憲聞之頗極力贊助云 (河南)

軍政

◎鎮軍第二次徵兵赴粵 南洋常備步兵第一標二三營管帶陶駿保莊壽兩江督憲公所札飭在鎮設局徵兵業募齊三百名赴甯入伍曾紀前報茲悉第二次所招兵士又復招募成軍即於上月二十二日由該管帶等率乘輪赴甯當起行時鎮城文武各官及各學堂學生均至江干送行以示優待 (鎮江)

◎訓練團勇設防 新城縣沈大令思齊以鄰境富桐等邑匪盜充斥深恐擄入為患當將原有之團勇重加挑選編列成軍延聘教員以德國洋操按日訓練即號衣旗幟亦均一律更新并在支應局請領槍枝軍火打靶演陣殊覺整齊復於夜間分班出巡因是宵小絕跡聞閭閻安謐故居民無不額首稱慶云 (浙江)

財政

◎籌捐搭銅元 署丹徒縣郭子華大令奉撫憲陸中丞札飭銅元本與銀錢並行嗣後徵收捐項各舖戶搭用本省銅元五成以資流通惟外省銅元須一概剔除不得攙雜等因大令奉文爰出示曉諭煙膏舖戶等知悉 (鎮江)

◎銅元滯銷之原因 湘省添設銅元新局前因出鑄日多招商承領運銷富有沈紳陳紳等稟請分銷西路已經具領分赴各屬行銷頗暢現由省城官錢局稟請概由該局發兌即將西路停止給發近日該局行銷頗薄每日兌出者不過三十萬枚推其故實因省城距離各屬遠所致也 (長沙)

路政

◎招募保護鐵路巡兵 膠濟鐵路向係德兵駐紮保護刻因德兵均已一律撤回特派總辦膠濟鐵路巡警之劉都閣青元招募馬步巡兵三百名常川保護鐵路現聞已如數招齊 (山東)

◎鐵路總辦赴鄂近聞 湘省自設立鐵路公司一切事宜迄今尚無頭緒總辦張席兩觀察前奉督憲張官保電調赴鄂安商辦法係因官保接有政府電催其從速開辦免貽外人人口實聞現在張席兩觀察因赴鄂已久亟思早為商妥以便回湘刻日開辦云 (長沙)

礦務

◎力籌礦本 湘省郴州一帶礦產歸南路礦務公司所轄聞該州各屬礦苗最富其已經開採者多係鄉民自用土法以故獲利無多自南路公司陸續收購而民間礦戶漸次停歇似能獨握利權惟因公司資本不裕未能一律全收猶不免棄利於地現已設法籌募股本務使南路礦產悉歸掌握則次第開採其獲利當未可限量也 (長沙)

◎創設鐵礦公司 吉安賀孝廉爾爾倡設一鐵礦公司稟明撫憲開辦已蒙允准茲悉賀君日前暫就永新蓮花廳兩屬著手俟辦有成效再行擴充為全省鐵礦總公司 (南昌)

實業

◎大通督銷局上皖撫稟(為擬設蘆葦船修馬路事) 大通地方集股添設蘆葦船一節已紀前報茲將稟稿錄於下 為詳明事竊照皖省大通鎮為江輪往來必由之路即為江輪上下搭客之區但向無蘆葦船而輪船過境每在深夜遙泊江中距岸約六七里洋棚以板划渡送搭客上無遮蔽若遇大雨狂風波掀浪湧危險殆難言喻聞有失事亦付之無可如何迭據本地紳商議欲捐建蘆葦船並經前督銷局總辦朱道潛於二十七年十一月初十日稟奉前督憲劉批飭集股募資在案旋以款鉅難籌因而中止茲經職道轉據茶業鹽業及各項舖商人等公議設立蘆葦船製辦船隻兼建築碼頭開修馬路約計成本銀二萬兩由本地官紳商庶合資共奏二百股每股收銀二七兩平銀一百兩以為成本各給股票息摺現已集有成數可資開辦查向來洋棚每搭客一人上輪收銀二百文下輪收銀一百文今擬無論上下一律改收二百文若欲在船食宿每一日夜收銀一百文每餐收銀八十文搭運銀兩銀元每箱收銀三百文此大較也除由職道選派員商赴滬購置船隻裝修房間並購辦水鼓暨先電請招商局遴派熟習大副來通相度安泊蘆葦船地方一面派商選購木石材料開辦碼頭馬路並詳明北洋大臣兩江督憲暨招商局輪船局查照外理合將添設蘆葦船已現擬開辦緣由會同大通縣將陳壽書大通水陸巡警局委員候補知府英華合詞具文詳請

雜紀

◎諭撤警票 前辦漢口籌餉局總辦楊太守吉達被辦事官趙某呈控當由督憲派員密查稟覆在案十九日諭令趙某將楊太守所有之警票呈繳善後局當堂核對以便查究 (鎮江)

◎匪耗續聞 前報裁撤防匪警官軍兇勦擒斬匪多名等情茲訪聞前月十一日武備練軍又在札村地方搜獲悍匪李朝亭即由哈弁李杜二君帶隊解交海甯州歸案嗣接統領李觀察鳴九復電飭就地正法現在各鄉鎮均安堵如常至省防各軍本可一律撤回因該屬官紳均以匪踪飄忽無定深恐大兵一去擾亂依然特稟請撫憲將省防各兵永留駐此以衛商民當經瑞帥會商司道擬飭省防常備軍移鎮該地至武備小隊及練軍等項即日撤回省防緣近日杭城內外時有風鶴驚也 (浙江)

◎拿獲盜匪 湖北督左遊擊王游戎仙舟向兼管沿江緝捕營所獲各案指不勝屈前日又拿獲私鑄銅元匪徒多人并起出機件模板若干刻已移送江夏縣訊究 (湖北)

◎會議拒日之風潮漸息 湘省學界前因有日本割國換東之謠各學生連日會議並集資電致北京及各省學堂以謀抵拒旋因張督學回電謂割國換東並無其事加以鄂督督撫均有電來湘語多詞責而日本駐湘領事又請撫憲勸諭即日解散恐礙兩國交際之和平於是學界之風潮漸次平息惟其初會議時擬設湖南學會為日後聚議之所即以所餘電費為公項故至今惟學會之事不可解散云 (湖南)

◎廣州府示(為開辦自來水事) 廣州府陳為曉諭事照得粵省近年每逢春夏之交疫癘頻興民多致疾雖由地方居民平日於衛生之道鮮識講求而致病之原因莫甚於飲水不潔粵省井泉素少清潔且與溝洫相近積穢之水每多流入井中一屆冬令井涸泉枯民間汲引尤為汚濁以致伏病無形迨經春夏發生軋易釀為癘疫即癘瘟斑毒等症為他省所絕無僅有者惟粵獨多未始不由於是自來水一事關於民生者甚大而辦成之後并可捍禦火災利益不可殫述昨奉 督憲籌撥官款五十萬兩以為開辦之需一面招集商股併力從事凡此鉅費經營無非為爾民利用資生捍災禦患起見現已延聘洋工程師來粵派員會同前往增步一帶踏勘測量以便通盤籌畫與工辦理惟是小民可與樂成難與圖始誠恐少見多怪妄生疑阻別滋事端除札飭地方官會同隨時稽查保護外合行出示曉諭為此示諭諸人等遵照須知現辦自來水係為有益地方之事爾等以後同享其利一切布置務期毫無妨礙如須購用地亦必持平確估給與價值斷不相虧爾等毋得妄事猜疑藉端阻撓該紳耆等亦宜約束子弟安分守法勿任滋事致干查辦謹遵 (廣州)

城南
散步城南日。幾回晴雲落日與徘徊。經年病日疎書卷。老去藏頭。滿酒杯。天末美人如有待。眼前塵世故相催。家山老屋仍無恙。一舸秋江歸去來。

自嘲
昂藏七尺一男兒。底事飄零苦數奇。來日大難天地窄。此身無


用姓名卑西山薇蕨猶能食東魯文章更莫爲臣朔可憐飢欲
死問君何以展雙眉

去一杯相送使人愁。

●小說●

補頁 墨口答 (命翠)

寶



探談 **黑面塔** (詩) (續)

余如言仰望天空見塔頂以上距離數丈間有似雲非雲之一大模影視騰空之氣球尙大五六倍

余急諦視。審爲一尊大佛像。昂頭天外。跌坐雲表。雖面目不辨。而頭高百仞。腰大十圍。如垂首合掌之狀。噫。豈果有釋迦如來。現身於東太平洋耶。忽落上白雲上。早雲覆回。合一霎時。聞故

風斜掠烟雲過眼。長空無翳。
大偵探拍余肩語曰。
怪已去矣。何本立如痴也。

余時不覺氣索舌橋。心搖無主。謂二十世紀文明世界。一切怪誕不經。都已掃蕩無有。何以此

斯時天空雲淨。仍現斜日一輪。所謂佛容旛影。不知何往矣。又思塔頂無人。何以搖展黑旛。是必海賊有絕大伎能。或卽妖

魔所化。凡世界生靈。皆以供彼之刀俎。然則我今已陷絕地。必無生望。不覺心悸神搖。戰慄不息。

君眞懦夫。彼妖者一日之中出現奚啻十許次。君將終朝抖戰乎。

君諒思之。我等離鄉井。越重洋。蹈不測之險。以求達吾志。前途之險。當有百倍於此者。奈何甫遇事。便已氣餒。若此。君幸早返國焉。噫。先生休矣。

余時神癡木立。忽聞大偵探笑余之懦。不覺激動憤氣。壯志勃發。一躍而起。答曰。

此時神飛色舞，宛有萬夫之氣。大偵探仍微笑，搖首不許。

（未完）

1

1. The first part of the text discusses the importance of maintaining accurate records of all transactions and the role of the accounting system in providing reliable financial information. It emphasizes the need for transparency and accountability in financial reporting.